



Praktikak Bilboko Hezkuntza Fakultatearen Araudia

Haur Hezkuntzako Gradua
Lehen Hezkuntzako Gradua
Gizarte Hezkuntzako Gradua

Fakultate Batzarrak onartua 2021eko uztailaren 6an

AURKIBIDEA

SARRERA.....	2
XEDAPEN OROKORRAK	2
1. Artikulua: APLIKAZIO EREMUA.....	3
2. Artikulua: ARAU OROKORRAK	4
3. Artikulua: PRAKTIKEN IZAERA.....	4
4. Artikulua: PLAZEN ESKAINTZA eta MATRIKULA	5
5. Artikulua: TUTORETZA	6
6. Artikulua. PRAKTIKETAKO KOORDINATZAILEA	6
7. Artikulua: UPV/EHUko IRAKASLE-TUTOREAREN ESKUBIDE eta ZEREGINAK ...	7
8. Artikulua: KANPOKO TUTOREAREN ESKUBIDE eta ZEREGINAK ..	8
9. Artikulua: IKASLEAREN ESKUBIDE eta ZEREGINAK	8
10. Artikulua: KREDITUAK TRASFERITZEA eta AITORTZEA	9
11. Artikulua: SALBUESPENAK eta KASU BEREZIAK	11
12. Artikulua: EBALUAZIOA eta KALIFIKAZIOA	12
AZKEN XEDAPENAK	13

SARRERA

Urriaren 29ko 1393/2007 Errege Dekretuak, Graduak ikasketak ofizialei buruzkoak, arreta berezia jarri dio ikasleek kanpo praktikak egiteari (12.2 art.); Horrez gainera, graduaren bigarren zatian eskaintzea gomendatzen du (12.6 art.).

Uztailaren 11ko 592/2014 Errege Dekretuak ikasle unibertsitarioen kanpo praktikak arautzen dituenak, praktika horien izaera formatiboa azpimarratzen du, lanbiderako oinarrizko gaitasunak lantzeko balioa onartuz. Praktiken izaera hezigarriak egiten du ezinezko, praktiketan dagoen bitartean, ikasleak harreman laborala izatea edo lan harremanak izan ditzakeen betebeharrak burutzea.

2012ko urriaren 16ko ebazpenean (azaroaren 12ko EHAA), Ikasleen Kanpoko Praktika Akademikoen Araudia dator, 2012ko irailaren 27ko Gobernu Kontseiluan onartua. Araudiaren helburu nagusia da unibertsitateko ikasleek prestakuntza osoago bat lortzea ikasten ari diren bitartean egiten dituzten praktika hauen bidez, baina, horretaz gain, lagundu nahi zaie administrazio publikoetan eta enpresa pribatuetan sartzen, eta bide horretan ugaritu lana aurkitzeko aukerak; haien ekimena, sormena eta berritzeko gaitasuna sustatu nahi dira, gure konpromisoa jakintzaren gizartean oinarritutako transformazio ekonomikoan parte hartzeko.

Araudi honetan oinarrizkoak dira UPV/EHU indarrean dauden Kudeaketa Araudia eta Ebaluaziorako Araudia.

Graduak hiru praktika ditu derrigorrezkoak, bakoitzean kredituak, egutegia eta zereginak, besteak beste, zehaztuta daude dagokion GIDAn.

Praktikak ikasgai derrigorrezkoa izanik, lehen eta bigarren zikloko gradu-ikasketak kudeatzeko Araudiak, 71. artikuluan honakoa xedatzen du: "Ikasle bakoitzak, praktikak egin bitartean, Eskola Aseguruaren estaldura izango du. 2017/2018 urterarte gehienez 28 urte dituen arte da. Adin horretatik aurrera, ezbeharretarako poliza kolektiboa sinatu beharko du. Egokia balitz, aipatutako adina bete aurretik sinatu lezake, osagarri gisa".

Testuan zehar kanpoko tutore hitza erabiltzen da UPV/EHUko beste araudi eta plataforma digitaletan erabiltzen den kanpoko tutorea izendatzeko.

XEDAPEN OROKORRAK

1. Artikulua: APLIKAZIO EREMUA

- 1.1. Arautegi honek Bilboko Hezkuntza Fakultateko Lehen Hezkuntza, Haur Hezkuntza eta Gizarte Hezkuntzako graduak praktikak definitu, egin, kalifikatu eta tramitatzeko irizpideak jasotzen ditu.
- 1.2. Arautegi honen edukia, besteak beste, ikasleen ebaluazio sistemaren, kredituen aitortpen eta transferentziaren eta ikasleen mugikortasunaren arloetan indarrean dauden UPV/EHUko gainerako arau eta prozedurekin osatuko da.

2. **Artikulua. ARAU OROKORRAK**

- 2.1. Ikasleak matrikula egiterakoan aukeratuko duen zentroan egingo du egonaldia.
- 2.2. Ikasleak programaren arabera zehaztutako aldian egingo du praktiketako egonaldia, egunean batezbeste 6 ordu beteko ditu.
- 2.3. Lehen eta Haur Hezkuntzako ikasleen kasuan, praktiketako egonaldian, eskola jarduerari dagokion ordutegia beteko dute, eta zentroko Klaustroari dagozkion beste jarduera batzuetan ere hartu ahal izango dute parte (prestakuntza, tutoretzak...).

Gizarte Hezkuntzako ikasleen kasuan, gizarte erakundeak daukan jardueraren arabera, ordutegia goizez, arratsaldez edo goiz eta arratsaldez izan daiteke. Gradu honetan, praktiken parte bat asteburuetan burutu ahal izango da, betiere horrek ikasleen prestakuntza aberastuko duela ikusten bada, eta erakundeko tutorearen presentzia bermatzen bada. UPV/EHUko *IKASLE* aseguruak asteburuko jarduera akademikoa estaltzen du.

3. **Artikulua: PRAKTIKEN IZAERA**

- 3.1. UPV/EHUko araudiak praktikak bere 2. artikuluan definitzen ditu: kanpo-praktika akademikoak ikasleek gauzatzen eta Unibertsitateak gainbegiratzen dituzten prestakuntza-jarduerak dira, eta haien helburua ikasleei prestakuntza akademikoan jaso dituzten ezagutzak garatzeko eta osatzeko bidean laguntzea da, jarduera profesionalerako prestatzen, lan-merkatuan egokitzen eta ekimenerako gaitasuna sustatzen lagunduko dieten gaitasunez ahalik eta errazkien jabe daitezen.
- 3.2. Praktiken arduraduna Dekanoa, edo horretarako izendatu den dekanordea, da. Arduraduna da praktikak antolatu, koordinatu eta kudeatuko dituen, eta kasua denean, Praktiketarako Batzordeen laguntza izango du.
- 3.3. Bilboko Hezkuntza Fakultatearen Practicum indarrean dauden akordioen arabera horretarako aukeratuak izan diren ikastetxe edo entitateetan aurrera eramaten diren hiru enbor- eta derrigorrezko irakasgaiz osatzen da. Praktika curricular hauen luzapena eta ordutegia RD. 1393/2007 12.6 artikuluan arautzen denaren arabera, derrigorrezko irakasgai modura dagokion irakaskuntza planak ezartzen dituenak dira. Practicum II egiteko nahitaezkoa da gaindituta edo aitortuta izatea Practicum I, eta Practicum III egiteko, Practicum II.
- 3.4. Ikasleak praktika-egonaldia Bilboko Hezkuntza Fakultateak esleitutako ikastetxe edo erakundeetan egingo du. Egonaldian zentroan ezartzen zaion egutegia eta ordutegia errespetatuko ditu. Zentroaren esleipena matrikula egiterako momentuan dagoen eskaintza ikusita, ikasleak egindako aukeraketaren arabera izango da. Ikasleak ez du ikastetxe edo zentroekin aldezturik kontakturik egin behar Fakultatearentzako plaza gehiago bilatzeko asmoz, izan ere antolakuntzaren ardura Bilboko Hezkuntza Fakultateko Dekanoaren edo Dekanordearen ardura delako.
- 3.5. Praktiken Zuzendariordeak antolatutako jardunaldietan eta prestakuntza-mintegietan parte hartuko du ikasleak, baita Bilboko Hezkuntza Fakultateko irakasle-tutoreak programatutako mintegietan ere. Halaber, memoria osatuko du, unibertsitateko tutoreak markatutako ildoak errespetatuz.
- 3.6. Praktiketarako asistentzia derrigorrezkoa da. Edozein ausentzia Zertifikatu bitartez komunikatu behar da, bai zentroari eta baita Fakultateko tutoreari ere. Justifikatzeko arrazoiak UPV/EHU ikaslearen arautegi orokorrean agertzen direnak dira. Edozein kasutan argi eduki behar da hurrengoa: Falta modura kontsideratuko da

sesio batetako (goiz ala arratsaldeko) ausentzia. Honela egun oso bateko ausentzia bi falta modura hartuko da. Justifikatu gabeko bi ausentzia suspentso kalifikazioa inplikatzeko dute. 4 falta justifikatu baino gehiago eginez gero sesio horiek erreperatu beharko dira galdu egin diren praktikaldiaren egutegiaren barruan.

- 3.7. Practicum egonaldia, formakuntza sesioak eta zentroetako egonaldia barne, Fakultateak urtero argitaratuko dituen egutegietan arautuko dira.
- 3.8. Gradua gaztelaniaz taldean egiten ari diren ikasleek Practicum I, II eta III euskaraz egiteko (ikus ikaslearen gida) aukera izango dute. Horretarako, B2 edo horren baliokidea den maila egiaztatu beharko dute ziurtagiria dagokion datan Practicum dekanordearen aurrean aurkeztuz. Fakultateak ez du inolako probarik egingo hizkuntza gaitasuna egiaztatzeko, ikaslearen erantzukizuna izango baita gaitasun hori egiaztatzea. Horretarako Dekanordetzatik eskuratu dezakeen hurrengo urtean euskaraz egiteko asmoa adierazten duen txantiloia beteko du. Urte guztietako eskakizunak informazio eta dokumentazio osoarekin lagunduko dira. Edozein kasutan B2 euskara mailaren ziurtagiria matrikula osatu aurretik helaraziko da. Horrela ez balitz nahiz eta ikasleak euskarazko zentroa aukeratu balu ofizioz gaztelaniazko batera bideratua izango da.
- 3.9. Hizkuntzaz aldatzeko eskakizuna egiten duen ikasleak, onartuko balitzaio, aldaketa horrek dituen eraginak onartzen ditu (Zentro, tutore, etb.-ko aldaketak barne). Hizkuntza gaitasuna egokiro ziurtatu ez duen ikaslea euskarazko talde batean matrikula egingo balu eta euskarazko zentroa aukeratu balu ofizioz gaztelaniazko zentro batean esleituko da.
- 3.10. Praktikak UPV/EHUtik kanpo (SICUE/SENECA, etab.) egiteko asmoa duten ikasleek horretarako indarrean dagoen eskaintzaren menpe geratuko dira. (ikus Nazioarteko Harremanak).
- 3.11. Garapenerako Lankidetzan praktikak egin nahi dituzten ikasleek, Lankidetzaren Bulegoak ezarritako baldintzak eta arauak beteko dituzte. (ikus beren beregiko Araudia).
- 3.12. Praktiketako araudia betetzearen erantzukizuna ikaslearena da, eta ez da ikasle eta tutorearen arteko hitzarmen individualik onartuko, tutorea UPV/EHUkoa zein erakundekoa edo ikastetxekoa izan. Ikasleak lan-hitzarmenik daukan zentro batean ezin izango da Practicum egonaldia bideratu.
- 3.13. **Praktikak ikaslearen prestakuntzarako hezkuntza jarduna dira, eta, beraz, ikaslea ez dago behartuta lan harreman batek izango litzatekeen zereginak egitera. Horrela, bada, ezin onar daiteke ikasleari lanpostu batek berezko daukan lanik ematea. Horrelakorik gertatuz gero, urratu egingo lirateke ikaslearen eskubideak, eta ikaslearen beraren erantzukizuna da mota horretako gorabeheren berri ematea praktiketako dekanordeari.**
- 3.14. Kanpoko praktika akademikoen prestakuntza izaera dela eta, haien bururatzeko prozesuan inolaz ere ez da lan-harreman bati dagozkion betebeharrak ondorioztatu ahal izango, eta haren edukian inolaz ere ez da lanpostu bati dagozkion betebeharrak ordezkari litzatekeen egitekorik onartuko. Ikasleak, honelako ezer gertatu balitz, praktiketako zuzendaritzari komunikatu beharko dio.
- 3.15. Era berean, ikasketak bukatutakoan ikaslea zentroko langile bilakatzen bada, praktiketan eginiko denbora ez da antzinatasunari begira aintzat hartu ahal izango eta langile berria ez da horregatik proba-epea igaro beharrik gabe gertatuko, baldin eta aplikatu beharreko lan-hitzarmenean ez bada horrelakorik zehazten. Lan-hitzarmenaren epea ezin izango da inolaz praktika egonaldiarekin gainzarri.
- 3.16. Egun, aseguru dago (Ikasle) UPV/EHUko ikasle guztiak estaltzen dituen, edozein izanda ere ikaslearen adina.

3.17. Praktiketako zentroak proposamena egiten badu jardueraren bat zentrotik kanpora edo ohiko egutegitik aparte egiteko, zentroak onarpena eskatu beharko dio UPV/EHUko tutoreari ikaslea babestuta egon dadin edozein gorabehera gertatuta ere; tutoreak idatziz emango du baimena eta kopia bat Praktiketako Bulegora bidaliko du onar dezaten. Baimenik eman ezean, zentroak beste jarduera bat esleituko dio ikasleari, bai eta beste tutore bat ere, beste jarduerak dirauen aldirako.

4. Artikulua: PLAZEN ESKAINTZA ETA MATRIKULA

4.1. Praktiketako Dekanordeak ekainean argitaratzen ditu hurrengo ikasturterako plazak. Ikaslea matrikulatzeko deitua denean, praktika-ikasgaien matrikulatzeaz gainera, praktikak burutzeko erakundea edo ikastetxea aukeratuko du.

4.2. Practicum II eta III-an irailean matrikulatzen den ikasleagoa (mugikortasun programetako ikasleak ezezik) urriaren 1ean izango du epemuga zentroa aukeratzeko. Data horretatik aurrera ofizioz zentro bat esleituko zaio. Practicum I-eko ikasleagoa matrikularen egun berean aukeratu beharko du zentroa edo ofizioz bat esleituko zaio.

4.3. Ikasleak hiru praktikak egingo ditu bi edo hiru zentrotan, eta bere ardura hori bermatzea da.

Erakundea edo ikastetxea aukeratzeko orduan, ikasleak hurrengo baldintzak¹ izango ditu:

a. Gizarte Hezkuntza graduan: gutxienez bi esparrutan egin behar dira praktikak. PII eta PIII erakunde berean egingo ditu. PI esparru edo erakunde desberdinean egingo du.

b. Haur Hezkuntza graduan: praktikak gutxienez eskola desberdin bitan egingo dira. PIII-a 3-6 zikloan burutu beharko du.

c. Lehen Hezkuntza graduan: gutxienez eskola desberdin bitan egingo dira praktikak, eta gutxienez ziklo desberdin bitan.

Honez gain, **MINOR profesionalizatzailea Atzerriko hizkuntzan edo Musikan egiten duten ikasleek 4. mailako praktikak (PIII) arloko espezialistekin burutu behar dituzte**, hau da, praktikak espezifikoa burutu behar dituzte.

d. Gradu bakoitzari hiru praktika-epe egokitzen zaizkio. Hauetako bakoitzaren epeak, egutegia, betebeharrak eta bestelakoak araudi honetan eta Gradu bakoitzaren GIDAN arautzen dira.

4.4. Matrikulatu aurretik Bilboko Hezkuntza Fakultateko web orrian hurrengo ikasturteko praktiketako egutegia argitaratuta izango da. Praktiketako egonaldia hasi aurretik ikasleak beren beregiko formazioa izango dute. Egonaldiarekin batera irakasle tutorek deituko dituen mintegiak ere izango ditu. Ikaslearen zeregina eta erantzukizuna aurretiko formazio saioetara zein mintegietara joatea da. (ikus "Ebaluazioa").

4.5. Esleitutako plazari uko egitekotan, ikasleak Praktiketako dekanordetzan horren berri eman beharko du, idatziz.

Fakultatearen ardura da Practicuma irakasgaiko prestakuntza koordinatzea, baina ez da bere ardura praktiketako plazak bermatzea; hala ere, bere esku dagoen guztia egingo du plaza guztiak eskaintzeko.

Haur eta Lehen Hezkuntza

¹ Baldintza hauen helburua gure ikasleen prestakuntza ahalik eta askotarikoena eta aberatsena izatea da; gizaratearen eta hezkuntzaren egoerak horretarako aukera ematen duen guztietan eskatu ahal izango dira.

Eusko Jaurlearitzako Hezkuntza Berriztatze Zuzendaritzak argitaratuko du praktiketako prestakuntza zentrotzat aitortuta dauden zentro eta erakundeen zerrenda, eta fakultateei plaza nahikoa eskainiko die titulazio bakoitzeko ikasleen eskaerari aurre egiteko.

Gizarte Hezkuntza

Fakultateak egin beharreko gestio guztiak egingo ditu praktikak egiteko plaza nahikoa izateko arlo desberdinetan.

Ikasleek bi edo hiru zentro desberdinetan egin behar dituzte hiru Practicumak (Haur eta Lehen Hezkuntzakoeak), eta gutxien dela bi ziklo desberdinetan; Gizarte Hezkuntzaren kasuan, Practicum II eta III zentro berean egingo dute. Ikaslearen ardura da baldintza hori betetzea.

Baldintza hori izanik, zentroa aukeratzeko irizpide bakarra akademikoa da, hau da: ikasleak espedienteko notaren eta gainditutako kreditu kopuruaren arabera aukeratu du zentroa. Zentroa behin aukeratuta, ikasleak konpromisoa hartuko du praktikak behar bezala egiteko, eta, betiere, isilpean gorde beharko ditu bere eskuetara heltzen diren datuak.

5. Artikulua: TUTORETZA

- 5.1. Matrikula epea amaitu ostean, abian jarriko da tutorea esleitzeko prozesua. Praktiketako bulegotik Sail bakoitzari bidaliko zaio ikasturte horretan esleituko zaizkion ikasle zerrendak, sailak berak tutoreak izenda ditzan. Ikasle bakoitzari Informazio hori GAUR plataformaren bitartez jakinaraziko zaio.
- 5.2. Irakasle-tutoreak GAUR sistemaren bitartez jasoko ditu: praktiketan esleitu zaizkion ikasleen zerrenda, kanpoko tutoreen datuak, informazio gehigarria eta prozesuan erabiliko diren dokumentuak. GAUR sistemaren datu basean agertuko ez balira, tutoreak altan emango ditu kanpoko tutorearen datuak eta ikaslearen datuekin erlazionatuko dira, hauek ere plataforman sartzea baimenduz.
- 5.3. Irakasle-tutorearen ardura izango da ikasleari Practicum bakoitzaren ezaugarriak azaltzea, praktika-aldirako orientazioa ematea eta zehaztutako helburuak betetzen direla bermatzea, baita jarraipena egin eta hari buruzko ebaluazio-txostena betetzea ere. Txosten hori GAUR plataforman utziko da. Tutoreek Practicumaren dokumentu guztiak GAURen bete eta gordeko dituzte.
- 5.4. Ikasle bakoitzak tutoretza bikoitza izango du: alde batetik UPV/EHUko irakaslearena (hemendik aurrera tutore); eta bestetik erakundeko gizarte hezitzailea edo ikastetxeko maisu-maistrarena (UPV/EHU-ko beste araudietan instruktore eta araudi honetan hemendik aurrera kanpoko tutore).
- 5.5. Magisterioko Practicum III egin bitartean, tutoreak praktiketako zentroetara joango dira tutoretzan daukaten ikaslearen praktikak nola doazen aztertzeke. Bisita egin aurretik, Praktiken Bulegora bisita plan bat bidaliko dute, sinatuta, izan ditzakeen ondorioetarako jasota gera dadin.

6. Artikulua. PRAKTIKETAKO KOORDINATZAILEA

6.1.- Prestakuntza zentro bakoitzean praktiketako koordinatzaile bat egongo da, eta ikasleak zentroan egin behar dituen praktikak behar bezala doazela zainduko du. Praktiketako koordinatzailea zentroko zuzendaria izango da, baina ikasketaburuan

eskuordetu ahal izango du eginkizun hori. Prestakuntza zentroan ikasle bat edo bi baino ez daudenean praktiketari, koordinatzailea ikasle tutoretako bat izango da.

6.2.- Praktiketako koordinatzailearen eginkizunak dira:

- a) Praktikak koordinatzea, praktikak behar bezala doazela zaintzea eta Eusko Jaurlaritzan hezkuntza arloko eskumenak dituen sailak praktikei buruz eskatutako informazioa ematea.
- b) Ikasle bakoitzari praktikumeko tutorea esleitzea horretarako akreditatutako ikasleen artean. Tutorea esleitzeko kontuan hartuko da: irakasleak prest dauden zeregin hori hartzeko, zer esperientzia profesional duten eta irakasleen prestakuntzan zer esperientzia duten.
- c) Praktiketako ikasleei laguntza ematea prestakuntza zentroan egingo duten egonaldian eta praktikei buruzko informazioa ematea.
- d) Ikasle bakoitzari bere programa egiteko lanean laguntzea unibertsitateko erreferenteekin koordinatuta.
- e) Unibertsitateko erreferenteekin lankidetzan aritzea bi erakundeen arteko lana koordinatzeko.
- f) Praktiketako ikasleen prestakuntza prozesuan tutoreak egin beharreko lana zehaztea.
- g) Praktiketako ikasleak izango dituen ordutegiak eta espazio guneak antolatzea.
- h) Unibertsitateko erreferenteek praktiketako ikasleen tutoreekin egin beharreko bileren egutegia zehaztea.
- i) Praktiketako ikasleei harrera egitea eta praktiken hasieran behar duten laguntza ematea.
- j) Praktiketako ikasleei zentroko prestakuntza proiektua eta curricularra azaltzea, antolaketa eta gestioa, eta praktikak egiteko behar dituzten agiri guztiak ematea.
- k) Praktiketako ikasleei zentroaren gizarte eta hezkuntza testuingurua azaltzea.
- l) Praktiketako ikasleei laguntza ematea zentroaren egunerokotasunean parte har dezaten: klaustroan, sailetan, batzordeetan eta tutoretzatan, besteak beste.
- m) Praktiketako ikasleen eskura jartzea zentroak dituen baliabideak, praktikak hobeto egiteko lagungarri izan daitezkeenak.

7. Artikulua. UPV/EHUKO IRAKASLE-TUTOREAREN ESKUBIDE ETA ZEREGINAK

Praktikak enborrezko ikasgaiak diren neurrian, tutoreak ikasgai horietako ikasleen erantzukizuna, egutegian ezarrita dauden aurre-formazioa eskaintzea, eta mintegiak bideratzearen ardura hartu beharko du.

Egokitzen zaizkion ikasleen praktikak burutzeko beharrezko laguntza ematea, dokumentazioa azaltzea, zereginak finkatzea, jarraibide egokiak ematea eta ikastetxean egin beharreko lana bideratzea. GAUR plataformako praktiken atala azaltzea, eta ikasleari dagokiona bete egiten dela bermatzea.

Praktiken jarraipena egitea, ikastetxeko edo erakundeetako tutoreekin koordinatuz, ikasleria bete behar dituen zereginetan gidatzea.

Praktikak ebaluatzea: Ikasleak aurkeztuko duen txostena betetzeko behar diren informazioa eta azalpenak ematea eta, ezarritako jarraibideen arabera, ikasleak aurkeztuko duen memoria baloratu eta kalifikatzea. Ikasgaia "ebaluazioa eta kalifikazioa" atalaren arabera kalifikatuko du.

Practicumaren dekanordeak deitutako bileretara joatea.

UPV/EHU-ko plataforma digitaletara Kanpoko tutorearen sarrera baimendu, beharrezkoa balitz altan emanaz.

Ikasgaiari dagokion inkesta GAURen betetzea eta praktikak hobetzeko iradokizunak eta ekarpenak egitea.

8. Artikulua. KANPOKO TUTOREAREN ESKUBIDE ETA ZEREGINAK

Praktika curricularrei buruzko arauak eskuragarri izatea eta GAUR sisteman erregistratuta egotea.

Praktika curricularrak arautzen dituen dokumentaziora sarrera izango du, horretarako GAUR sisteman izendatuta egongo da. GAUR sistema erabiliko du bere zereginak bideratzeko eta dokumentazioa zein informazioa zuzenean eskuratzeko. Praktiketako kanpoko tutorea izanaren ziurtagiria ere GAUR-en bitartez jasoko du.

Zentroaren eta UPV/EHU-ko arduradunen elkarlana errazteko asmoz bi erakundeen koordinazioan lagunduko du

Ikasleari harrera egingo dio, eta bertan gauzatuko dituen jarduerak antolatu eta azalduko ditu.

Ikaslea gidatuko du, burutuko dituen jarduerak gainbegiraturaz, eta izan ditzakeen arazoak konpontzen lagunduz.

Derrigorrezko praktiketarako egokian izan daitezkeen formakuntzarako ekintzak proposatzea.

Praktiketan gorabeherarik gertatuz gero, UPV/EHUko Praktiketako irakasle-tutoreari eta bere ikastetxe edo erakundeko koordinatzaileari horren berri emango dio.

Ikaslearen praktikak ebaluatuko ditu, alde onak zein hobetzekoak agertuz.

Praktikei buruzko inkesta erantzungo du GAURen, praktikak hobetzeko iradokizunak eginez.

9. Artikulua. IKASLEAREN ESKUBIDE ETA ZEREGINAK

Curriculumaren arabeko kanpoko praktiken kasuan, haiei loturiko ikasgaiari matrikulaturik egotea, dagokion Ikasketen Planaren arabera.

Praktikak bideratuko diren enpresa, instituzio edo erakunde publiko edo pribatuarekin, edo Unibertsitatearekin berarekin, inolako kontratu-loturarik ez edukitzea, Akademia Antolakuntzako erretoreordeak zehaztuko dituen organoek horretarako baimena berariaz ematen duten kasuetan izan ezik.

Practicumaren araudia ezagutzeko eta betetzea, eta bertan onartutako prozedurak, datak eta egutegiak bete eta errespetatzea.

Hitzarturiko egunean hastea lanean erakundean edo eskolan; ordutegia beteko du, eta erakundearen jarduerarako, segurtasunerako eta lan-arriskuen prebentziorako arauak errespetatuko ditu. Horrela ezarrita dauden kasuetan ikaslearen ardura izango da eskatzen zaion Natura Sexualeko Delitu Ziurtagiria dagokion lekuan eta eran egokiro aurkeztea.

Praktika-aldi bakoitzean, Unibertsitateko tutorearekin harremanetan egon behar dute, eta haietan sor litekeen gorabeheraren berri emango diote eta ikasgaiaren programaturako mintegi, jardunaldi eta jardueretan parte hartuko dute. Saio horietara joatea derrigorrezkoa da (ikus "Ebaluazioa" atala). Tutoreak ezarritako epe eta eran, eskatzen zaizkion dokumentuak, txostenak eta amaierako memoria aurkeztu egingo ditu.

Praktika-aldian garatutako jardunari lotuta, lanbideari dagokion kode deontologikoan jasota dauden konfidentzialtasuna eta gainerako jarraibide etikoak errespetatzea ezinbestekoa da.

Mugikortasun programetan dauden ikasleen Practicuma sinatutako hitzarmenaren zehaztutako baldintzetan egingo da. Hala ere, horrek ez du esan nahi ez dituenik bete beharko gainontzeko ikasleek bete behar dituzten baldintzak. Beste unibertsitatean egiten diren praktikak beste unibertsitateak gestionatu beharko ditu.

Martxoaren 6ko 33/2018 Dekretuak zehaztutakoari jarraituz, adin txikikoekin praktikak egingo dituzten ikasleek, EAEn zein mugikortasun programetan, egiaztatu egin beharko dute ez dutela sexu deliturik. Prozedura web gunean, Practicumari buruzko atalean, egongo da eskuragarri, eta beste bide batzuetatik ere emango da informazioa epez eta behar bezala.

Oharra1: ikaslearen beraren erantzukizuna izango da araudia betetzea; ez da onartuko ikaslearen eta UPV/EHUko tutorearen edo ikaslearen eta praktiketako ikastetxearen arteko inolako akordiorik.

Oharra2: Praktika egonaldian dagoen Bilboko Hezkuntza Fakultateko ikaslea ez da zentroko langilea, beraz ez du zentro horretan greba egiteko eskubiderik. Ikasleagoa zentro edo entitate horietan data horiek nola eramango dituen aurrera zentro horietako zuzendaritzaren ardura izango da. Erabakia beraz zentroarena izango da eta ez ikaslearena. Horrelako kasuetan asistentzia egunero kontrolatzen den kasuetan zentroek justifikatu beharko dituzte faltak edo ausentziak.

10. Artikulua: KREDITUAK TRANSFERITZEA ETA AITORTZEA

- 10.1. Urriaren 29ko 1393/2007 Errege Dekretuko 6. artikuluan emandako definizioen arabera: kredituak aitortzea, honako hau da, "ikasle bat matrikulatzen denean, ikasle horrek UPV/EHUn edo beste unibertsitatearen batean, ikasketa ofizialen batean lortutako kredituak onartzea eta aintzat hartzea titulua lortzeko".
- 10.2. Praktiketako kredituen aitortpenerako aukerak publikoak dira eta Bilboko Hezkuntza Fakultateko web orrian aurkituko dira. Fakultate Batzarrari dagokio, edo bere izenean jardungo duenari, aitortpen taulen kudeaketa egitea, gaurkotzea eta argitaratzea, eta baita aitortpena eskatzen duen ikasleari erantzutea ere.
- 10.3. Kredituen aitortpena eskatzen den kasuan, ebazpenarekin batera, kasua denean, ikasleak balizko helegiteak egiteko prozedura ere jasoko du.

11. Artikulua: SALBUESPENAK eta KASU BEREZIAK

Practicuma enborreko irakasgaia da eta, hortaz, errespetatu beharreko aurrez ezarritako prozedura dauka.

Ikasleak aurrez adierazitako praktika-zentroan burutuko du bere egonaldia. Salbuespena izango da, eta dagokion dokumentazioaren bidez justifikatuta egon beharko

da, zentroa aldatzeko eskaria. Eskariak idatziz egingo dira eta idatziz erantzun. Ebazpena Practicum-eko dekanordeak egingo du

Praktiketako egoera bereziei buruzko irizpideak

Esan legez, Practicuma nahitaezko irakasgaia da, eta, hortaz, zehaztuta ditu egutegia, ordutegia eta ordu kopuru bat.

“Egoera berezia” da ikasleak ezin duenean Practicuma bete fakultateak zehaztutako irizpideen arabera:

a) Ikasketak eta lan jarduna bateragarri egitea

Ikasleak egiaztatzen badu, Gizarte Segurantzaren Alta eta dagokion lan kontratua aurkeztuta, astean 20 ordutik gorako lanaldia daukala eta lanaldi hori eta eskoletara joatea bateraezinak direla, honako eskubideak izango ditu:

- I- Eskoletara ez joateko eskubidea, derrigorrezko eskola-saioen 25% arte.
- II- Tutoretzak, taldeak, ordutegiak eta txanda aukeratzea eta aldatzea.

Goian aipatutako dokumentazioarekin batera, ikasleak sinatutako txosten bat aurkeztu beharko du, honako hauek adierazita: lanaldia, kontratuaren iraupena, zer irakasgai edo gairen eskoletara ezin den joan, eta irakasgai edo gaiaren eskola-hutsegiteen ehunekoa.

Salbuespen gisa, ikastegiak goian aipatutako eskubideak aitor diezaike astean 20 ordu baino gutxiagoko lanaldia duten ikasleei, aurkeztutako dokumentazioa eta ikasleak bere idatzian adierazitako inguruabarrak aztertu ondoren.

b) Erditzea, adopzioa edo harrerako kasuak eta hiru urtetik beherako seme-alaben ardura daukaten ikasleak.

Erditzeko, adopzioko edo harrerako kasuetan, ikasleek justifikazio bidez eskoletara ez joateko eskubidea izango dute, derrigorrezko eskola-saioen % 25 arte.

c) Mendeko familiarra zaintzeagatik zaintzaile ziurtagiria

Norberaren autonomia sustatzeari eta mendeko egoeran dauden pertsonen arretari buruzko uztailaren 14ko 39/2006 Legeak, edo unean-unean indarrean dagoenak, aurreikusitako baldintzetan, mendeko senide baten zaintzailea dela egiaztatzen duen ikasleak honako eskubide hauek izango ditu:

- I.- Eskoletara ez joateko eskubidea, derrigorrezko eskola-saioen % 25 arte.
- II.- Tutoretzak, taldeak, ordutegiak eta txanda aukeratzea eta aldatzea.

d) Goi mailako kirolari, teknikari eta epaile gisa edo errendimendu handiko kirolari gisa egiaztatutako UPV/EHUko ikasleak. Goi Mailako Kirolari buruzko uztailaren 20ko 203/2010 Dekretuan ezarritakoaren arabera, goi mailako kirolari, teknikari eta epaile gisa egiaztatuta dauden ikasleek eta Goi Mailako eta, Errendimendu Handiko kirolariei buruzko uztailaren 971/2007 Errege Dekretuan ezarritakoaren arabera, Goi Mailako edo Errendimendu Handiko kirolari gisa egiaztatuta dauden ikasleek, beste arautegi batzuetan aitortutakoez gainera eta dagokion unibertsitatearen gestiorako arautegian ezarritako arauen arabera, honako eskubide hauek izango dituzte:

- I. Txanda, ordutegia, taldea edo tutoretza aukeratzea edo aldatzea, ikasketak entrenamenduen ordutegiarekin, lehiaketa ofizialen parte-hartzeekin eta ohiko egoitzatik kanpo egindako egonaldiarekin bateragarriak izango direla bermatzeko.
- II. Eskoletara ez joatea derrigorrezko eskola-saioen % 25eko muga arte, lehiaketa ofizialean parte-hartzeagatik, dagokion kirol-federazioak ziurtagiri baten bidez justifikatuta.

- III. Azterketen egutegi malgua izatea, azterketek dena delako kirol-federazioaren ziurtagiriaren bidez justifikatutako lehiaketa ofizialekin bat egiten dutenean.
- IV. Aukera askeko kredituak jasotzea, dagokion unibertsitatearen gestiorako arategiak ezarritako arauen arabera.
- V. UPV/EHUren ordezkari izateko aukeratutako kirolariei lehiaketarako beharrezkoa den kirol-ekipamendua emango die Kirol Zerbitzuak. Era berean, eskura dauden bitartekoen baitan, kirol-instalazioak eta baliabide egokiak emango zaizkie, goi mailako edo errendimendu handiko kirolak eskatzen duen entrenamendua egiteko, edozein kirol-modalitatetan.
- VI. Ikasketen tutorea esleitzea. Tutore horrek laguntza akademikoa emango die, eta, horrez gain, programan sartutako ikasleen eta unibertsitateko estamentuen arteko solaskidea izango da.
- VII. Eskaintako plazen % 3 erreserbatzeko eskubidea, eta Jarduera Fisikoari eta Kirol Jarduerari buruzko ikasketetan, berriz, % 5a. Eskubide hori soilik aitortuko zaie goi mailako kirolariei.
- VIII. Goi mailako kirolariak Jarduera Fisikoaren eta Kirolaren Zientzien ikasketa eta irakaskuntzetara sartzeko eskakizun gisa jarritako proba fisikoak egiteko salbuetsita geratzeko eskubidea izango dute.

UPV/EHUren Gobernu Kontseiluak aurreko atalean adierazitako eskubideak, g) letran aipatutakoa izan ezik, beste kirolari-talde batzuei zabaldu ahal izango dizkie, eskura dauden bitartekoak kontuan hartuta eta, betiere, beste ikasle batzuen eskubideak urratu gabe.

- e) Mugikortasun programetan parte hartzea
- f) Garapenerako lankidetzaren programetan parte hartzea.
- g) Beste egoera batzuk:
 - I. Gaixotasuna, istripua
 - II. Administrazio arloko gorabeherak
 - III. Bat-batean sortutako ezusteko egoerak

Horrelako egoeraren batean dagoen ikasleak, kasuan-kasuan, eskaria egin ahal izango du:

- a) Praktiketako egutegia aldatzeko
- b) Praktiketako ordutegia aldatzeko
- c) Praktiketako zentroa aldatzeko

Eskaera horiek egiteko prozedura fakultatearen web gunean dago eskuragarri, Practicumaren atalean zein idazkaritzaren atalean.

12. Artikulua: EBALUAZIOA ETA KALIFIKAZIOA

- 12.1. Praktika-aldia amaitu ondoren emango den kalifikazioak ikasleek prestakuntza fase horretan eskuratutako konpetentziak islatuko ditu. Horretarako GAUR plataforman daude eskuragai txostenak betetzeko dokumentuak. Ebaluazioa prozesu partekatua delako, UPV/EHUko tutoreak, kanpoko tutoreak eta ikasleak, bakoitzak berari dagokion ebaluazio atala dagokion formatuan beteko du dagokion datan horretarako bereziki deitua izan gabe.

12.2. Ikaslearen kalifikazioa irakasle tutorearen eginkizuna da, GAURen ikasle bakoitzari dagokion nota horretarako onartutako datan argitaratu beharko du.

Ikaslearen praktikaldia bukatutakoan, erakundeko kanpoko tutorearen ebaluazio-dokumentua eta ikaslearen txostenak ikusita, irakasle-tutoreak kalifikazioa ebatsiko du. Nahitaezkoa da ebaluazio atal guztiak gaindituta izatea ikasgaia gainditzeko.

12.3. Kalifikazioa 0tik 10era bitartekoa izango da, hamartar bakarrarekin, eta horri dagokion kalifikazio kualitatiboa ere adieraziko da:

Ez aurkeztua (EA)

0 – 4.9: Gutxiegi (G)

5.0 – 6.9: Nahikoa (N)

7.0 – 8.9: Oso ongi (OO)

9.0 - 10: Bikain (B)

Tutorearen eginkizuna da praktiketako batzordeari "Ohorezko matrikula" eskuratzeko hautagai diren ikasleen zerrenda ematea, kontuan izanda horretarako 9.0 edo handiagoa izan behar dela ikasleak lortutako kalifikazioa. Proposamenak aztertuta, Bilboko Hezkuntza Fakultateko Praktiketako Batzordeari dagokio "Ohorezko matrikula" ematea, talde-gela bereko 20 ikasleko gehienez ere "ohorezko matrikula" bat eman daitekeela oinarri hartuta.

Praktiken azken kalifikazioen berrikuspenak edo erreklamazioak Unibertsitateko Ebaluazio Arautegia jarraituz egingo dira. Ebazpen horren kontra jotzeko errekurtsioa aurkeztu ahal izango da UPV/EHUko Errektoregoaren aurrean. Horrez gain, hurrengo oharrak kontutan hartzekoak dira:

a- Nahitaezkoa da ebaluazio atal guztiak gaindituta izatea ikasgaia gainditzeko.

b- Praktiketako alde guztiak gainditu ezik ohiko deialdian emaitza gutxiegi izango da. Eta zenbakizko emaitza ez gainditutako atalaren, edo atal hauen emaitzen batezbestekoa, izango da (beti ere 5 baino gutxiago). **Egonaldia gaindituz gero, baina praktiketako azken txostena, memoria edo lan idatzia, dagokion eran edo/eta datan aurkezten ez denean, ohiko deialdiko azken nota "ez aurkeztua" izango da. Ikasgaia urte akademiko horretako ez-ohiko deialdian gainditzen ez bada ikaslea praktika ikasgai hori osorik errepikatu beharko du eta horretarako berriz matrikulatu beharko da.**

c- Ikasgaietan gutxiegi lortzekotan (nahiz eta bakarrik atalen batean bada ere) praktika ikasgaia osorik errepikatu beharko da eta horretarako berriz matrikulatu beharko da.

12.4. Practicumaren ebaluazioaren akta Unibertsitateko Ebaluazio Arautegiari jarraituz itxi beharko da, eta irakasle-tutorearen ardura izango da akta behar bezala betetzea. Horrez gain, ikastegiko zuzendariari dagokio artikulu honetan ezarritakoa betetzen dela bermatzea.

12.5. Artikulu honetan zehaztutako gainontzeko egoera guztietarako Praktiketako Gidaren Ebaluazioan adierazitakoa beteko da.

Oharra: Ikastetxeko egonaldia egiten den ikasturtean baino ez da izango baliagarria. Txostena gainditu ezean edo adierazitako egunetan aurkeztu ezean, praktikak beraien osotasunean berriro egin beharko dira.

1. AZKEN XEDAPENAK

Aurreko artikuluetan aurreikusi ez diren egoera bereziak Dekanoak, edo bere izenean arituko denak ebatziko ditu interesdunak agiriz hornitutako eskabide arrazoitua aurkeztu ondoren.

Araudi hau Fakultate Batzarrean onartu eta hurrengo egunean jarriko da indarrean.